


KANTIK AR ZILVIDIGEZ

VAR. DON : D'hor Mam-Santez Anna.

DISKAN :

O Mari, ô Mam vad,
Grit deomp koumpren ervad
Eo ar zilvidigez
Affer vraz hor buez.

1. Savetei hon ene
Eo al labour kenta
Merket d'eomp gant Doue
Da ober er bed-ma.
2. Peb hini n'hen deuz bet
'Met eun ene ebken ;
Eur veich unan kollet,
Rapari n'heller ken.
3. D'in me petra dalfe
Kaout madou ar bed holl,
Ma zaffe, da c'houde,
Va ene paour da goll ?
4. Talvout 'ra hon ene
Dreist an aour, ar perlez ;
Peb ene d'eun Doue
Zo koustet he vuez !



5. O pegen diskiant
Ha pegen didalvez
Eo an den dizeblant
Ouz he zilvidigez !
6. Pa deuiio ar maro,
Dioc'htu vezimp barnet ;
Hon ene 'vit ato
Vo salvet pe daonet.
7. Hirio e c'hellomp choaz
An ifern pe an Ee ;
Re zivezad varc'hoaz
E vezo marteze.
8. Chench a rankan hirio,
Heb dale tamm ebet.
Ah ! kousto pe gousto
'Fell d'in beza salvet !

~~~~~

**Imprimatur :**

*Quimper, le 14 Avril 1903.*

F. CORRIGOU, Vic. gén.

—————